

Broj: 213-030-03/25  
Sarajevo, 15.04.2026. godine

Na osnovu člana 70. stav 1), 3) i 6) Zakona o javnim nabavkama („Službeni glasnik BiH“, br: 39/14, 59/22 i 50/24), člana 43. Statuta Javne ustanove „Centar za napredne tehnologije u Sarajevu“, te prijedloga Komisije br: 213-060-06/26 od 14.04.2026.godine, u postupku nabavke roba- hemikalije, direktor donosi:

## ODLUKU

### o izboru najpovoljnijeg ponuđača i dodjeli ugovora u postupku javne nabavke roba- hemikalije

#### I

Prihvata se prijedlog Komisije za nabavke broj: 213-060-06/26 od 14.04.2026.godine i ugovor za nabavku **roba- hemikalije** dodjeljuje se ponuđaču **Mikro+Polo d.o.o., Pijačna 14k, 71000 Sarajevo, BiH** u iznosu od **12.822,50 KM bez PDV-a (15.001,74 KM sa PDV-om)**, ponuda br. 264/26 od 08.04.2026.godine/ 092-03-01/2026, koja je prema kriteriju za izbor ponude (najniža cijena) ocijenjena jedinom prihvatljivom, odnosno najpovoljnijom.

#### II

Izabrani ponuđač je dužan u roku od 5 dana od dana zaprimanja ove Odluke dostaviti dokaze iz člana 45. stav 1. tačka od a) do d) Zakona o javnim nabavkama BiH, u skladu sa tenderskom dokumentacijom, evidencijski broj PJNR-8/26.

#### III

Ugovor će se dostaviti na potpis izabranom ponuđaču u skladu sa Zakonom o javnim nabavkama BiH.

#### IV

Ova odluka objavit će se na web-stranici [www.cnt.ba](http://www.cnt.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav 2. i 6. Zakona o javnim nabavkama BiH.

#### V

Ova odluka stupa na snagu danom donošenja.

### Obrazloženje

Postupak javne nabavke pokrenut je Odlukom direktora o pokretanju postupka javne nabavke broj: 213-030-01/26 od 30.03.2026. godine. Javna nabavka je provedena putem konkurentskog zahtjeva za dostavu ponuda sa predviđenom e-aukcijom i kriterijumom- najniža cijena. Ukupna procijenjena vrijednost javne nabavke bez PDV-a je iznosila 12.825,00 KM bez PDV-a.

Tenderska dokumentacija je objavljena na portalu javnih nabavki zajedno sa obavještenjem o nabavci broj: 22651-7-1-28-3-19/26 objavljeno dana 31.03.2026.godine. Izmjena tenderske dokumentacije objavljena je 02.04.2026.godine. Sažetak obavještenja o nabavci objavljen u Službenom glasniku BiH, br. 25/26.

Komisija za javne nabavke imenovana je Odlukom broj: 213-030-02/26 od 30.03.2026. godine. Komisija za javne nabavke dostavila je 13.04.2026. godine Zapisnik o pregledu i ocjeni ponuda sa prijedlogom o izboru najpovoljnijeg ponuđača, broj: 213-060-06/26, u postupku javne nabavke roba- hemikalije.

Komisija za javne nabavke blagovremeno je izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno:

- da je blagovremeno zaprimljena- 1 ponuda;
- da je ukupan broj pristiglih ponuda – 1;
- da nije bilo neblagovremenih ponuda.

Komisija je izvršila provjeru prihvatljivosti ponuda, te je utvrdila da je dostavljena ponuda prihvatljiva.

Obzirom da je dostavljena jedna prihvatljiva ponuda, e-aukcije nije održana, te je Komisija predložila Ugovornom organu da za nabavku roba-hemikalije prihvati ponudu br. 264/26 od 08.04.2026.godine / 092-03-01/2026 i da ugovor o javnoj nabavci dodjeli ponuđaču Mikro+Polo d.o.o., Pijačna 14k, 71000 Sarajevo, BiH za ponuđenu ukupnu cijenu za predmetnu nabavku u iznosu od 12.822,50 KM bez PDV-a, a u skladu sa uslovima tenderske dokumentacije i dostavljene ponude.

Cijeneći prethodno navedeno, direktor je odlučio kao u dispozitivu ove Odluke.

**POUKA O PRAVNOM LIJEKU:** Protiv ove Odluke može se izjaviti žalba u roku od 5 (pet) dana od dana prijema iste. Žalba se izjavljuje Uredu za razmatranje žalbi Bosne i Hercegovine, putem ugovornog organa Javne ustanove „Centar za napredne tehnologije u Sarajevu“ u pisanoj formi neposredno ili preporučenom poštanskom pošiljkom na adresu Vilsonovo šetalište br. 9, Sarajevo, BiH, sve u skladu sa članom 99. i članom 101. Zakona o javnim nabavkama BiH. Žalba se podnosi u najmanje 3 (tri) primjerka i sadrži elemente propisane članom 105. Zakona o javnim nabavkama BiH.

Dostaviti:

- Ponuđačima koji su učestvovali u postupku;
- Stručni savjetnik za finansijsko - ekonomske poslove i računovodstvo;
- Stručni savjetnik za javne nabavke;
- a/a